

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0048838 22
Zenica, 06.06.2022. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ź N I C U

Protiv,

M. E., rođen 1986. godine u Tešnju,

što je,

dana 03.04.2022. godine oko 16,30 sati, na području općine Tešanj u mjestu M., u stambenoj zgradi ..., stan broj ..., u kojoj u zajedničkom domaćinstvu živi sa suprugom M.H. i troje mlđb. djece, naročito drsko i bezobzirno se ponašao i vršio nasilje nad oštećenima - suprugom i mlđb. sinom M. A. (rođen ...2012. godine), iako svjestan da će takvim drskim i bezobzirnim ponašanjem i nasiljem ugroziti mir, psihičko zdravlje i tjelesnu cjelovitost članova svoje porodice, što je i htio, na način da je nakon verbalne rasprave supruzi prijetio riječima : “Kujo i tebi ću rebra polomiti, izudarati ću te i istjerati napolje“ a zatim je udario rukom po licu - ošamario pa rukom povukao za kosu, a oštećenog mlđb. M. A. udario oklagijom u predjelu glave, nakon čega je oštećena sa djecom ušla u drugu sobu i zaključala vrata, koja nije htjela otvoriti iako je lupao na ista i tražio da ih otvori, kada je pomoću fizičke snage razvalio drvena vrata, svjestan da tako može oštetiti ista, što je i htio, uslijed čega je došlo do oštećenja vrata u predjelu krila, štoka, metalnih okova i brave i sa kojih je pored vrata otpao drveni dio štoka i jedna ručka, a potom naredio oštećenim da se pakupe i idu iz stana, kada su na lice mjesta došli policijski službenici po prijavi NN prijavitelja o nasilju u porodici,

dakle, drskim i bezobzirnim ponašanjem i nasiljem, ugrozio mir, tjelesnu cjelovitost i psihičko zdravlje članova svoje porodice od kojih je jedno dijete s kojima živi u zajedničkom kućanstvu i oštetio tuđu stvar,

čime je počinio krivično djelo Nasilje u porodici iz člana 222. stav 4. u vezi sa stavom 2. KZ F BiH i krivično djelo Oštećenje tuđe stvari iz člana 293. stav 1. KZ F BiH sve u vezi sa članom 54. KZ F BiH.